

TATOLI! 2023

Levantamentu Dadus kona-ba Povou Timor



Iha aniversáriu *Tatoli* nian ba da10! *Levantamentu ida kona-ba Povou Timor*, Fundasaun Ázia ho neon ksolok hakarak apresenta rezultadu sira husi levantamentu nasional kona-ba persepsaun. Iha adultu 3,754 (17+) inkui ona iha levantamentu tinan ida-ne'e nian no halibur informasaun iha inísiu 2023. Deskoberta sira refleto kona-ba persepsaun husi sidadaun sira iha munisípiu 14 no esklareso prioridade sira husi ema hotu ne'ebé horik iha Timor Leste laran tomak. Deskoberta xave hirak ne'e suplementál ba Fundasaun Ázia nia relatóriu kompletu kona-ba rezultadu sira.

Tamba nasaun ne'e foin rekupera husi impaktu COVID-19 nian, problema ekonómika sei sai nafatin prioridade.

Respondente uitoan liu mak relata katak sira nia situasaun ekonómika ne'e 'di'ak' ka 'di'ak loos' kompara ho dadus levantamentu dadus ne'ebé halibur iha 2022 no 2018.

Signifikantemente sidadaun uitoan liu mak relata rendimentu kada fulan menus liu \$100 kompara ho 2022; maski nune'e, 2% deit mak relata hetan osan liu husi \$500 kada fulan.

Diferensa iha rendimentu ne'e boot entre ema ne'ebé moris iha área rural ho sidade, ho 74% husi hirak ne'ebé hela iha área rural hetan osan menus husi \$100/fulan. Barak liu (liu husi 50%) husi Timoroan hetan sira-nia rendimentu husi halo sira-nia to'os rasik, enkuantu iha mos aumentu signifikante ba empregu husi governu no kompañia pública estadu-nian kompara ho 2022 nia rezultadu sira.



Respondente sira identifika ki'ak nu'udar problema boot liu.

Liu husi metade husi Timoroan mak haree ki'ak no ne'e sai problema todan liu mak nasaun ne'e hasoru, ne'ebé aumenta signifkamente husi 2022 nia rezultadu sira. Tenki nota katak sidadaun sira la-hanoin tan impaktu boot husi COVID-19 hanesan kestaun importante ida, maski nune'e impaktu ekonómiku husi pandemia ne'e nafatin iha.



Infrastrutura melloradu kontinua sai problema todan ba sira ne'ebé hela iha área rurál.

Timoroan barak liu mak hela iha área rurál iha nasaun ne'e (74% husi hirak ne'ebé tuir levantamentu ne'e), maibé asesu ba infrastrutura ho qualidade, inklui estrada, bee, eletrisidade, no klínika saúde, nafatin ki'ik liu kompara ho hirak ne'ebé hela iha área sidade.

PERSEPSAUN SIRA KONA-BA INFRASTRUTURA: SIDADAUN SIDADE VS RURÁL

SIDADE		RURÁL
84%	 Iha klínika saúde ida iha ha'u-nia comunidade, no ha'u bele asesu ba wainhira ha'u presiza	73%
85%	 Labarik sira iha ha'u-nia umakain iha asesu ba bee wainhira sira iha eskola	67%
53%	 Ha'u iha asesu ba bee bomba no/ka posu no nia sei di'ak hela	26%
52%	 Iha ha'u-nia área, ponte sira sei bele asesu no sei di'ak hela	26%
14%	 La iha asesu ba eletrisidade mak sai razaun boot liu tamba-sá mak ha'u la bele hetan informasaun	34%
45%	 Estrada tenki sai prioridade boot liu ba governu	73%
36%	 Bee tenki sai prioridade boot liu ba governu	45%
23%	 Hadi'ak infrastrutura mak asuntu importante liu ba Timor Leste	46%
11%	 Eletrisidade tenki sai prioridade boot liu ba governu	34%








Asesu ba informasaun muda husi televizaun ba fonte seluk ba sidadaun sira iha área rurál no mos área sidade.

Televizaun nafatin sai fonte númeru dahuluk atu hetan informasaun iha área sidade no mos rurál (74% sidade; 60% rurál), maibé kanál seluk mos hetan númeru atensaun ne'ebé aumenta.


Variedade fonte informasaun nian sa'e iha railaran tomak no *Tatoli* tinan ida-ne'e nian! husu ba participante sira kona-ba utilizaun média sosiál ba dala uluk durante tinan sanulu halibur dadus.

Resposta sira hatudu katak sidadaun sira lakon fiar ba informasaun sira ne'ebé sai liuhusi televizaun no buka informasaun ne'ebé hato'o husi sira-nia lider lokál sira. Ida-ne'e especialmente ba sidadaun otas boot liu ne'ebé hela iha área rurál, enkuantu sidadaun joven liu hela iha área sidade sira kontinua konfia informasaun ne'ebé fo sai iha televizaun.

MEIU SAIDA MAK ITA UZA DALA BARAK BA NOTÍSIA NO INFORMASAUN?

SIDADE		RURÁL
44%	 Facebook	26%
25%	 YouTube	11%
16%	 Chat apps <i>(e.g., WhatsApp)</i>	9%
8%	 Instagram	2%
23%	 Konsellu Suku/ lider lokál sira	56%
16%	 Família, kolega no viziñu sira	36%
8%	 Igreja	13%


FONTE NOTÍSIA NO INFORMASAUN SAIDA MAK ITA FIAR LIU?



Timoroan barak liu mak simu apoiu finanseiru husi kolega no família sira ne'ebé hela iha raili'ur.

Númeru sidadaun ne'ebé simu osan husi raili'ur ne'e dupla (20%, sa'e husi 10%) kompara ho resposta sira iha levantamentu 2022 nian. Sidadaun sira hela iha sidade no hetan osan liu husi \$500/fulan mak iha liu tendénsia atu simu apoiu ho tipu ida-ne'e. Uza fundus hirak ne'e aumenta ba kategoria hotuhotu kompara ho 2022, ne'ebé bele esplika liuhusi aumentu jerál husi fundus ne'ebé transfere husi raili'ur.

Iha interese ne'ebé signifikante hodi servisu iha raili'ur ba otas joven Timoroan mane sira (menus husi otas tinan 34) ne'ebé hela iha área sidade. Ema hirak ne'e dehan aprende kona-ba oportunidade ba raili'ur husi programa governu nian (e.g., SEPFPOPE) no kolega ka família sira ne'ebé hela ona iha raili'ur. Maibé, maioria husi respondente sira, liu-liu sira ne'ebé ho otas boot (otas tinan 35+) no hela iha área rurál, mak la iha interese atu servisu iha raili'ur.



IHA 2023, ITA HAKARAK SERVISU IHA RAILI'UR, KA ITA IHA ONA PLANU ATU BA SERVISU IHA RAILI'UR?



KONA-BA TATOLI! LEVANTAMENTU DADUS IDA KONA-BA POVU TIMOR

Dezde 2013, Fundasaun Ázia (sigla Inglês: TAF) halibur ona vizaun no opiniaun sira husi populasaun Timor liuhusi *Tatoli! Levantamentu Dadus ida kona-ba Povu Timor (Tatoli!)*. Relatóriu ida-ne'e apresenta deskoberta sira husi TAF nia *Tatoli!* da-ualu, hala'o entre Janeiro ho Feveirei 2023. Liuhusi nia organizasaun parseria sira, Rede Peskija no Advokasia iha Timor Leste (sigla Inglês: TRAIN), TAF halo entrevista ho sonda/amostra representante nasionál adultu 3,754 (ho marjen erru ±1.6%). Deskoberta hirak ne'e hanesan suplementária ba relatóriu kompletu *Tatoli! 2023* nian.

KONA-BA FUNDASAUN ÁZIA

Fundasaun Ázia nu'udar organizasaun internasionál naun-lukrativa ne'ebé iha kompromisu atu mellora moris iha Ázia ne'ebé dinámika no dezvoltadu. Servisu liuhusi sede sira iha nasaun 18 no informadu ho péritu lokál ne'ebé kle'an no iha esperiénsia dékada nen ona, ami responde ba problema krítiku sira ne'ebé afeta Ázia iha sékulu da-21. Iha Timor Leste, Fundasaun oras ne'e daudaun foka ba reforsa governasaun no política, hapara violénsia kontra feto, dezvoltave turizmu inkluzivu, no promove paz no justisa.